

Solutio colata seponatur, ut partes turbantes subsident, et decantetur. In vase clauso loco frigido servetur.

Sit limpidum et colore fusco.

Jodetum ferrosium.

Jernforjod.

R. Ferri pulverati partes tres;..... 3
in cucurbitam vitream immissis affundantur

Aqvae destillatae partibus duodeviginti,..... 18
deinde inter assiduam quassationem sensim addantur

Jodi partes octo 8.

Ubi omne Jodum solutum erit, et liquor colorem subviridem induerit, parvo filtro separandus erit, et filtrum parva copia Aqvae abluendum.

Secundum hoc praeceptum Jodetum ferrosium ex tempore paratur. Partes quaternae (4) Jodi praebent partes quinas (5) Jodeti ferrosi. Si medicus Solutionem Jodeti ferrosi postulaverit, liquore, quem supra commemoravimus, utendum erit; sin autem Jodeto ferroso massa pilularum addenda erit, liquor paratus, qui adhibendus est, paulum evaporetur, quo facto, substantiae ad massam pilularum formandam praescriptae addantur.

Jodetum hydrargyricum rubrum.

Hydrargyrum bijodatium D. 50.

(Jodetum hydrargyricum Sv. 45. Jodetum hydrargyricum rubrum N. 54).

Rødt Qvægsølvvejod.

R. Jodeti kalici partes quinque,..... 5
solvantur in

Aqvae destillatae partibus viginti; 20
solutioni filtratae addatur inter agitationem solutio filtrata, e

Chlorethi hydrargyrici corrosivi partibus quattuor... 4
 et Aqvae destillatae partibus septuaginta duabus..... 72
 parata. Sedimentum ortum in filtrum colligatur et Aqva probe
 elutum loco obscuro caute siccetur. In lagena flava vel nigra
 probe obturata servetur.

Sit pulvis subtilissimus coccineus, in Aqva paene indisso-
 lubilis; in Spiritu plane, sed difficulter solvatur. Ignitus sine
 residuo avolet.

Jodetum hydrargyrosum flavum.

Hydrargyrum jodatum D. 50.

(*Jodetum hydrargyrosum Sv. 45. Jodetum hydrargyrosum flavum N. 54.*)

Gult Qvægsolvforjod.

R̄. Hydrargyri partes octo,..... 8

Jodi partes quinque;..... 5

in mortario conterantur, dum aliquot guttae Spiritus subinde
 instillentur, donec omne vestigium Hydrargyri metallici eva-
 nuerit, et mixtura colorem e viridi flavum induerit. Pulvis
 paratus Spiritu abluatur, deinde caute siccetur et in lagena
 flava vel nigra probe obturata servetur.

Sit pulvis subtilis, e viridi flavus, ponderosus; in Aqva
 parva ex parte solvatur, in Spiritu ne solvatur, candefactus
 plane aufugiat. Spiritus cum pulvere conqvassatus et filtratus,
 Solutione Sulphidi hydrici addita, vix coloretur.

Jodetum kalicum.

Kali hydrojodicum, Kalium jodatum D. 50.

(*Jodetum kalicum Sv. 45. N. 54.*)

Jodkalium.

R̄. Ferri in filis seu ramentis partes octo;..... 8

immittantur in cacabum ferreum, in quo insint

Aqvae destillatae tepidae partes septuaginta duae; . 72

deinde inter perpetuam agitationem sensim addantur

Jodi partes viginti quattuor..... 24.

Ubi omne Jodum solutum erit, liqvor fuscus calefiat, donec color evanuerit; deinde filtro separetur a Ferro non soluto, quod eluatur. Solutio orta in solutionem bullientem, e

Bicarbonatis kalici partibus undeviginti..... 19

et Aqvae destillatae partibus quinquaginta septem.... 57

paratam, sensim infundatur; tum per aliquod tempus coqvatur. Si non omne Ferrum praecipitatum erit, tanta copia Bicarbonatis kalici inter coqvendum addenda erit, ut illud fiat. Tum liqvor filtretur et residuum eluatur; deinde evaporetur et loco tepido in crystalla redigatur, quae siccata in vase vitreo probe obturato et a luce remoto serventur.

Sint crystalla coloris expertia; in Aqvae partibus tribus quartis et in Spiritus partibus septem solvantur; solutio sit reactione paullulum alkalina, sed Solutione Hydratis calcici vel Solutione Sulphohydratis ammonici ne turbetur; Acidum tartaricum additum solutionem colore fusco ne tingat. Sedimentum, quod Solutione Nitratis argentici addita effeceris, cum Solutione Ammoniaci quassatum liqvorem praebeat, qui, addita liqvori filtrato Acidi nitrici copia abundanti, turbidus appareat, sed praecipitatum non efficiat.

Jodum.

Jodina D. 50.

(*Jodum Sv. 45. N. 54.*)

Jod.

Tabulae vel squamae ponderosae, metallice nitentes, colore plumbeo-nigricanti, cutem tingentes, molles, crystallinae, odore peculiari; solvuntur in Aqva pro minima parte, in Spiritus partibus decem, facile in Aethere, Chloroformio, Sulphido carbonico. Ignitae sine residuo avolent, in tubum vitreum sublimatae crystalla coloris expertia in lateribus tubi ne relinqvant. In vase epistomio vitreo accuratissime clauso loco frigido servetur.

Julapium salinum.

Almindelig Julep.

℞. Solutionis Carbonatis kalici partes quinque,	5
Aqvae Menthae piperitae partes triginta duas,	32
Syrupi Sacchari partes duas;	2

miscantur in lagena firma justae magnitudinis. Deinde inter qvassationem sensim addatur

Acidi citrici in frustulis pars una. 1.

Mixtura peracta, lagena continuo obturetur.

Sit limpidum et magnam copiam Acidi carbonici liberi contineat.

Paretur ex tempore.

Kermes mineralis.

Sulphur stibiatum rubrum D. 50.

(*Hydrosulphuretum stibiosum Sv. 45. Pulvis Sulphureti stibici cum Oxydo stibico N. 54.*)

Kermes.

℞. Aqvae communis partes ducentas quinquaginta; . . .	250
Carbonatis natrici venalis partes viginti quinque, . .	25
Sulphureti stibici laevigati pars una.	1.

Mixtura inter agitationem saepius repetitam per duas horas continenter coqvatur, sed providendum est, ut Aqva evaporatione consumpta semper restituatur; deinde liqvor qvam calidissimus in vas lapideum aptum antea calefactum celerrime filtretur. Liqvore prorsus refrigerato, lixivium innatans defundatur, sed sedimentum in filtrum colligatur et Aqva destillata sensim affusa eluatur, donec liqvor defluens colore tingi coeperit nec amplius reactione alkalina sit. Sedimentum, inter plagulas chartae bibulae pressum, loco obscuro tepidoqve, calore